

ՀԱՄԱՌՕՏ ԱԿՆԱՐԿ ՆՈՐ ԶՈՒՂԱՅԻ ՀԻՆ ՏՆԵՐԻ ՎՐԱՅ

Լ.Գ. ՄԻՆԱՍԵԱՆ

Ինչպէս յայտնի է՝ Նոր Զուղան հայկական այն հին գաղթօճախներից է, ուր փառաշէն ու գեղեցիկ եկեղեցիների կողքին կառուցուել են նաեւ մեծ ու փառաշէն տներ, ընդարձակ ու գեղատեսիլ եւ բաղկացած մի քանի մասերից՝ ինչպէս են մի շարք հին տներ:

Այս մասին որպէս առաջին վկայութիւն՝ տեղին է մի մէջբերում անել Շահ Արբաս արքայի ինչ որ մի խնդրի առթիւ հայերի տուած մի հրամանագրից, ուր ասուած է, թէ «Զուղայում տներ կային, որոնց կառուցման ծախսն եղել էր երկու հազար թուման. [հայերը] դրանք աւերեցին եւ իրենց գերդաստանն առած այտեղ եկան»¹:

Շատ պարզ է, որ այդ օրերին, 1600ականներին, շատ մեծ գումար էր երկու հազար թումանը, եթէ նկատի ունենանք, որ, ըստ Նոր Զուղայի պատմագրի, Երեւանի թաղի Սուրբ Ամենափրկիչ² եկեղեցու 1660ական թուերի կառուցման ծախսը եղել է 1086 ուխլ³: Ի հարկէ բացի ժողովրդի գործաւորով բերած օգնութիւնը: Ասենք նաեւ, որ 1910ական թուականներին Փերիայի հայաբնակ երեք մեծ գիւղերը՝ Բոլորանը, Խորգանը եւ Սանգիրարանը գնուել են 21000 թումանով: Իսկ Զուղայեցիները նման բարձրարժէք տներ կառուցել են նաեւ Նոր Զուղայում:

Նոր Զուղայում կառուցուած խոճայական այդ մեծ ու փառաւոր տներից դեռեւս կանգուն են մի քանիսը եւ վկան մեծ մասով աւերուած այդ ապարանանման տների: Դրանից երեքում տեղաւորուել է արուեստագիտական Փարզիս համալսարանը՝ կան նաեւ մի քանի ուրիշները, եթէ ոչ ամբողջութեամբ՝ գոնէ որոշ մասերով, որոնց եւս վաճառումն ու ձեւափոխումն արգելուել են պետութեան կողմից, եւ այժմ աշխատանք է տարւում որ պահպանուեն: Իսկ թէ քանի՞սն են աւերուել՝ ղժուար է ճշգրտօրէն ասել: Նրանցից մի քանիսի քանդումին ականատես ենք եղել մենք, եւ նրանցից որոշ արձանագրութիւններ փրկելով՝ ցուցադրութեան ենք դրել վանքի թանգարանում:

Մովորարար Նոր Զուգայի տները կառուցուած են եղել երկու մասով՝ ամառնային եւ ձմեռնային, կամ հարաւային եւ հիւսիսային, այսինքն՝ ծմակկողմ եւ արեւահայեաց: Ըստ մեծի մասի՝ ծմակկողմում ունեցել են գետնափոր, ուր պահուել են խմիչքները եւ ուտեստեղէնները: գետնափորերից ոմանք եղել են երկյարկ: Եղել են նաեւ տներ, որոնք մօտիկ այգու եւ պարտէզի հետ ունեցել են նաեւ կանանց առանձին բաժին, ինչպէս եւ յատուկ մի մաս որպէս ախոռ՝ ձի եւ ջորի պահելու համար:

Նոր Զուգայի հին տների մասին Արամ Երեմեանը եւ Յարութիւն Քիւրտեանը յօդուածներ ունեն Փարիզի Անահիտ եւ Պոսթոնի Հայրենիք ամսագրերում: սրանցից բացի՝ մի քանի տների նկարագրութիւնը բերուած է երկու գրքերում: Առաջինը Ճան Քարգուէլի Նիու Չուլֆա՝ խորագրով գիրքն է, ուր Նոր Զուգայի եկեղեցիների հետ հեղինակը նկարագրել է նաեւ երկու հին տներ, իսկ միւսը Կարապետ Կարապետեանի Իսֆահան Նիու Չուլֆա՝ խորագրուած եւ խոսելուն եւ անգլերէն երկլեզու գործն է:

Այս գրքերի առաջինում նկարագրուել են երկու տուն, իսկ երկրորդում՝ 13, իրենց յատակադիւծերով եւ նկարներով: Մենք եւս տասնեակ տարիներ առաջ զբաղուել ենք դրանցով եւ հաւաքել դրանց նկարները եւ տեղեկութիւններ դրանց մասին: Իր ժամանակին սրանցից օգտուել է Կարապետեանը, բայց ժամանակի սղութեան եւ մեր խիստ զբաղուածութեան պատճառով մենք Հնարաւորութիւն չենք ունեցել դրանք ամբողջացնելու եւ մամուլին յանձնելու, բացի մի քանի անգամ դրանք համառօտակի յիշատակելուց:

Ներկայիս ինչ որ կայ մեր ձեռքի տակ, թէկուզ ոչ լրիւ եւ ոչ ամբողջական, յանձնում ենք հայոց պատմութեան ուսանողների ուշադրութեան:

Միջանկեալ պէտք է յիշել, որ Փերիայի վրացարնակ Աֆուս գիւղում եւս եղել են, կամ թերեւս այժմ եւս կան հին տներ, որոնք կառուցուած են եղել Նոր Զուգայի տների նման եւ ունեն ռուսի կոչուած գունաւոր ապակիներով դռներ ու պատուհաններ, որոնք բացուելիս՝ բարձրանում էին դէպի վեր: Ոմանց առաստաղները ծածկուած էին տախտակներով, վրան՝ Աստուածածնի նկարը, Յիսուսը գրկին եւ հրեշտակներով շրջապատուած: Կային նաեւ Իրանի թագաւորների եւ թագուհու նկարներ՝ որսի տեսարաններով: Այս տներն ունէին զանազան զարդանախշեր եւ նկարազարդ գերաններ ու սիւներ: Նրանցից մէկը 1963ին պատկանում էր Հասան Խանի որդի Ռեզուանիին: Վստահարար այս շէնքերը կառուցուել ու նկարազարդուել են վրացիների իսլամութիւնը ընդունելուց առաջ:

Ներկայիս Նոր Զուգան ունի ութը թաղ՝ Մեծ Մէյտանը, Փոքր Մէյտանը, Չարսուն, Ղարազէլը, Յակօրճանը, Քարակոփների՝ թաղը, Դաւրէժը՝ եւ Երեւանը: Այս թաղերից առաջին վեցը հիմնուել են հայերի գաղթի առաջին տարիներին, իսկ վերջին երկուսը՝ շուրջ յիսուն տարի յետոյ, 1655-

ական թուերին, երբ Շահ Արբաս Երկրորդի հրահանգով, քաղաքամիջի հայերն եւս տեղափոխուել են Նոր Զուղայի արեւմտեան կողմը եւ կազմել մի քանի թաղեր, որոնցից մի քանիսը յետագային դարձել են պարսկաբնակախօր հայաբնակ են մնում միայն վերջին երկու թաղերը.—

Մեր նկարագրած տները գտնուում են թէ հին եւ թէ յետոյ կառուցուած թաղերի մէջ: Այդ տներն են՝

1. Դաւթենց Տուն
2. Զովելենց Տուն
3. Խոջա Ոսկանենց Տուն
4. Խոջա Պետրոսենց Տուն
5. Մանուկ Բարսեղենց Տուն
6. Նազրենց Տուն
7. Ուլուխանենց Տուն
8. Զանիխանենց Տուն
9. Սիմոնենց Տուն⁹
10. Սուքիասենց Տուն
11. Տէր Գրիգորենց Տուն
12. Տէր Եսայոնց Տուն

1. ԳԱԹԹԵՆՅ ՏՈՒՆ

Գտնուում է Դաւրէթ թաղում, որ մի նեղ փողոցով բաժանուում է Սուքիասենց Տունից: Ինչպէս սովորաբար Նոր Զուղայի բոլոր հին տները՝ սա եւս մի մեծ բակով բաժանուում է երկու մասի՝ հարաւային եւ հիւսիսային:

Գլխաւոր շէնքը գտնուում է հիւսիսային կողմում, որի կենտրոնում կայ մի մեծ սրահ, մէջտեղում մարմարեայ քարից մի աւազանով, որ ամրան ամիսներին սենեակը զով պահելու համար լցնում էին ջրով: Հարաւային կողմում՝ սրահն ունի գունաւոր ապակիներով եւ դէպի վեր բացուող պատուհաններ⁹, որոնք նայում են դէպի բակ:

Տան հարաւային մասումն էր գտնուում կանանոցը, ինչպէս եւ խոհանոցն ու մի քանի այլ սենեակներ:

Այս մասի սենեակներից մէկի պատերի վրայ կային իւղաներկ նկարներ, որոնցից մէկը Ֆաթայի Շահի լրիւ հասակով եւ երկար մօրուքով պատկերն էր: Դաւթենց Տան նախքան 1973 թուին Փարզիս համալսարանին վաճառումը նրա պարսիկ տիրոջ կողմից՝ նկարները պատերից պոկուել ու վաճառուել են¹⁰:

Այս տունը նախապէս պատկանել է Լղուորեան տոհմին¹¹, որոնք եղել են յայտնի վաճառական եւ մեծատուն. յետոյ վաճառուել է Ամիրխանեաններին, եւ ապա՝ Ալիխանեաններին: 1906ին վաճառուել է նոյն թաղի ծխատէր քահանայ Տէր Բարսեղ Ալեքսանեանին¹², որի յաջորդները վաճառել



Տէր Դաւթնց տուն



Տէր Դաւթնց տուն, պարուհի



Տէր Դաւթնց տուն, Ֆարախի շահը



Տէր Գաբրէնց տուն, Ֆաթալի շահը

են տունը մի պարսիկի, որի ժառանգորդները վաճառել են տունը 1973ին Փարզիս պետական համալսարանին:

Այս տան տիրոջ Աղա Մարգար Բաղդասարի Լղուորեանի մասին պատմում է մի ականդութիւն: Մարգարն իր երրորդ տղային ամուսնացնելու երրորդ օրը իր տունն է հրաւիրում Շահսուլթան Հոսէյնին: Շահը որ ուռտու¹³ մօտ աւազանի առջեւ նստած կլկլակ¹⁴ է ծխում աւազանի ջրի մէջ տեսնում է տան երկրորդ յարկի պատշգամբում կանգնած նորահարսի պատկերը, եւ հարցնում Աղա Մարգարին.

— Եթէ ես մի բան ուզեմք քեզանից՝ կը տա՞ս ինձ:

— Շահն ապրած կենայ, — պատասխանում է Աղա Մարգարը. — Եթէ գլուխս էլ ուզեմքս՝ կը տամ քեզ:

Շահը նայում է աւազանի ջրի մէջ ուր դեռեւս երեւում է հարսի պատկերը եւ ասում.

— Դրան եմ ուզում:

Մարգարը գլխի ընկնելով՝ երկու ձեռքերով խփում է գլխին եւ լաց ու կոծ անում: Իսկ Շահը հրամայում է ցած բերել հարսին. ապա հարսին նրատեցնում են ձիու վրայ, Շահը ինքն էլ է նստում ձի եւ հարսը տանում են պալատ:

Այդ միջոցին հնչեցնում են եկեղեցու զանգերը որպէս սուգի նշան եւ ժողովուրդը մտնում է սուգի մէջ:

Շահը երեք օր պահելուց յետոյ հարսին՝ յանձնում է նրան իր սեւ ղո-

լամին¹⁵:

Աղա Մարգարի տղան սրտակտուր եղած՝ իր խնամիների հետ նախ
գնում է Համադան Փերիայի վրայով, իսկ այնտեղից էլ գաղթում Հայաս-
տան:

Այս առթիւ յորինուել է մի երգ, որից մեզ հասել են հատ ու կենտ տո-
ղեր. ահա նրանք.

«Ռուսու գոլ—գոլ մեխերը,
«Քաշ—քաշ տարան տեղերը,
«Շահի սիրած Թանգ Խաթուն
«Դո՞ր սիրեցիր սեւ կատուն,

«Մարգարը մտաւ դուլարը,
«Վրէն շախ տուին գուլարը,
«Չի դադարում դուլարում,
«Կիսամեռ դուս են բերում:

«Ռուսու հովզում լողացնում
«.....
«Շահում—շահում շախասը,
«Խոջա Մարգարենց հարսը»:

2. ՉՈՎԵԼԵՆՅ ՏՈՒՆ

Այս տունը գտնուում է Դաւրէժ թաղում, Սր. Մինաս եկեղեցու դիմաց
եւ փակուղու միւս կողմում:

Անցեալում պատկանել է Վեքիլ Դովլէ Ստեփանոս Աղանուրին, որի
ժառանգորդները 1946ին վաճառել են նրան Չովել Չովելեանին:

Անցեալում շէնքն եղել է աւելի մեծ եւ ունեցել է առանձին բաժիններ
եւ ախոռ, իսկ ներկայ շէնքը բաղկացած է փոքր բակով մի քանի սենեակ-
ներից. շէնքը երկյարկանի է բացի նրա հարաւային կողմից, ուր եւ գըտ-
նուում է գլխաւոր սենեակը: Արեւմտեան կողմում կայ 7x9 մեթր չափերով
խաչածեւ մի սենեակ, որն ունի նկարազարդումներ: Սենեակներն ունեն
հին ձեւի փայտեայ դռներ ու պատուհաններ: Արեւմտեան կողմի սենեակն
ունեցել է նաեւ գունաւոր ապակիներով խաչազարդ ու գեղեցիկ երկու
պատուհաններ, որոնցից միայն մէկը կայ այժմ:

Աղանուրեան Տոհմի մասին յիշատակուած է նաեւ Պատմութիւն Նոր
Չուղայի գրքում¹⁶, ըստ որի՝ Աղանուրեանները եղել են Նոր Չուղայի հին
տոհմերից եւ յայտնի վաճառականներից: Ստեփանոս Աղանուրի նկարը մի



Չովիւնց տուն, որմանկարներ

յախճապակու վրայ՝ այժմ ցուցադրուած է Վանքի թանգարանում, ինչպէս նաեւ իր սարղիոնեայ կնիքը¹⁷։

3. ԽՈՋԱ ՈՍԿԱՆԵՆՑ ՏՈՒՆ

Գտնւում էր Չարսու թաղում Ոսկանի անունը կրող փողոցի արեւելեան կողմում. ներկայիս դրա տեղ կառուցուած են նոր շէնքեր: Ունեցել է երկու մաս՝ հարաւային եւ հիւսիսային: Գլխաւոր շինութիւնը որը եղել է երկյարկ՝ գտնուել է հիւսիսային կողմում, իսկ միայարկ մի քանի սենեակները՝ հարաւային կողմում:

Նոր Զուղայի հին տներից էր եւ կառուցուած ժէ. դարու հին ոճով: Կենտրոնական սենեակի առաստաղը շատ բարձր էր եւ հաւասարում էր երկրորդ յարկի տանիքին. զարդանախշուած էր հին ձեւի դռներով եւ պատուհաններով: Կողքերին ունէր փոքր, իսկ դրանց կողքին՝ աւելի մեծ սենեակներ:

Արտաքին պատերի կամարների վրայ ունէր մանր աղիւսներով շինուած գեղեցիկ զարդանախշեր, իսկ ներսում՝ զարդանկարներ:

Նոյն տան արեւելեան կողմից փողոցին նայող մի տան մէջ, որ թերեւս անցեալում պատկանել է նոյն տոհմից ոեւէ մէկին՝ կրակարանի վերելում կար հետեւեալ արձանագրութիւնը.

«Ի ՎԱԵԼՈՒՄԸՆ ՈՍԿԱՆ/ԱՄՍՏՈՒՐ

«...թվն.../ ԲՃ...»¹⁸

Ներկայիս Ոսկան փողոցը կոչւում է Վրէժ Բաղումեանի անունով, որը նահատակուեց Իրան-իրաք պատերազմին:


4. ԽՈՋԱ ՊԵՏՐՈՍ ՎԵԼԻՉԱՆԵԱՆԻ ՏՈՒՆ

Գտնւում է Մեծ Մէլտան թաղում՝ այժմու Հաքիմ Նեզամի պողոտայի արեւելեան եւ Միմոնենց Տան¹⁹ արեւմտեան կողմում:


Շէնքի մեծ մասը աւերուել է ու կառուցուել են նոր շէնքեր. ներկայիս մնում է միայն մէկ՝ գլխաւոր սրահը բակի հարաւային կողմում, եւ պատկանում է Իրանի Հնագիտական Շէնքերի Պահպանման Սպահանի Հիմնարկին:

Սոյն սենեակն ունի 10.5 մեթր երկարութիւն եւ 7.65 մեթր լայնք, որի մի մասը աւելի գուրս է ընկած: Կենտրոնում է գտնւում գլխաւոր շէնքի գմբէթը, որ նկարագարուած է. ունի նաեւ այլ նկարագարումներ ու նկարներ, որոնցից մէկը մեծ պատի վրայ որսի մի տեսարան է կարմիր գոյներով, իսկ կողքի երկու կամարների նկարները կապտագոյն են՝ զանազան կենդանիների նկարներով:

Դրանց ներքեւում՝ չորս կողմում սենեակն ունի կարմիր եւ սկզբոյն



Խոջա Պետրոսեց տուն




Խոջա Պետրոսենց տուն

երիզարդեր, իսկ կենտրոնի երկու կողմերում՝ գաճաքանդակ զարդեր եւ սիւնանկարներ: Դռնակների միջեւ եւս կան գանազան նկարներ: Գլխաւոր յիշատակարանը գտնուում է կրակարանի²⁰ վերեւում՝ կապոյտ ֆոնի մէջ ոսկեզրերով զրուած:

Արձանագրութեան մէջ կը կարդանք.

«Յամս թագաւորութեան Շահ Սուլիմանին,
«Եւ ի հայրապետութեան Սր. Էջմիածնայ Յակոբ Կաթողիկոսին,
«Ի թվին ՌՃԺ եւ Է—նի ձեռամբն մեղաւոր Մաթէոսին,
«Որ է որդի Պարոն Մինասին, որ մանուկ տիօք հանգեաւ ի Քրիստոս,
«Որ էր ամաց ի. եւ Ե. մաղթեմ զձեզ ով սիրելիք,
«Յորժամ տեսլեան սորա դիպիք,
«Յիշել զՄաթէոսն եւ զժընօղսն իւր եւ զպապն
Իւր հեզահոգի եւ ողորմած խաճայ Պետրոսն,
Եւ ընդ իւր մերձաւորսն, զոր նորոգեաց
Զտունս ցանկալի, ի վայելումն որդւոց իւրոց
Պետրոս ջանին Տէրն տերանց եւ բերկրել ի
Յարազուարճ յաւիտենին, որ է օրհնեալ յաւիտեանս»



Իսղա Պետրոսեց տուն

յաւիտենից, ամէն»²¹;

Մրանից բացի կան այլ արձանագրութիւններ եւս, որոնցից բերում ենք երկուսին.

«ԹՎին ՌՁ եւ Թ [1640] ծնունդն էր Մաթէոսին»:

«ԹՎին ՌՃ եւ Ը [1659] ծնունդն էր Պետրոսին»:

Ներկայիս այս սենեակը նորոգուած է Հնութեան Պահպանման եւ Մշակութային Հիմնարկի կողմից. գմբէթն եւս քանդուել եւ նորից է կառուցուել. վերակառուցում են նաեւ մօտիկը գտնուող մի քանի սենեակները:

5. ՄԱՆՈՒԿ ԲԱՐՍԵՂԵՆՅ ՏՈՒՆ

Գտնուում է Դաւրէժ թաղում, Սր. Մինաս եկեղեցու ձախ կողմում դէպի հարաւ բացուող մի փողոցի մէջ:

Կառուցուել է Ժէ. գարում, իսկ յետոյ որոշ մասեր աւելացել են նրա վրայ Ղաջարիների շրջանում: Յայտնի է որպէս Մանուկ Բարսեղենց կամ Ազանուրենց Տուն:

Մի քանի տասնամեակ առաջ գնուել է Մինասեանների կողմից եւ բաժանուել մի քանի մասերի, որով եւ կորցրել է իր նախկին տեսքը:

Գլխաւոր շէնքը գտնուում է բակի հիւսիսային կողմում, եւ ունի գեղեցիկ փայտեայ սիւներով պատշգամբ: Նոր Զուղայի միւս հին տներին ման ունի բուսի եւ փայտեայ մանր փայտազարդ դռներ ու պատուհաններ, ինչպէս եւ զարդանկարներ ու զարդանախշեր:


Այս տան գլխաւոր զարդն ու արժէքը իր արեւմտեան կողմում գրտնուող եւ Ղաջարիների շրջանին պատկանող թուով տասնմէկ նկարներն են՝ բոլորն էլ նկարուած դռնակների վերեւում եղող կամարաւոր կիսադռնակների մէջ: Կենտրոնականը որ մեծագոյնն է՝ մի տեսարան է այգու մէջ, ուր մի սեղանի շուրջ նստած են մէկ տղամարդ, երեք կին եւ մէկ երեխայ:

Միւս տասը նկարներից մեծ նկարի երկու կողքերինը որպէս թէ նկարներն են Մեծն Պետրոսի եւ Իսրայէլ Օրու, իսկ միւսները պարսկական եւ եւրոպական տարազներով մարդկանց նկարներ եւ տեսարաններ են: Առաջիններից են քեամանշա, սրինգ ու դափ նուագներ, եւ կին ու մարդու պատկերներ. հաւանաբար սրանց մէջ է նաեւ տան տիրոջ՝ Սուլթանի նկարը, որի տակ գրուած է «Բնի. Մոյ. Սուլթան»:

Սոյն նկարները տան տիրոջ կողմից պոկուել ու վաճառուել են 1970ական թուականներին, այնպէս որ դրանցից որեւէ հետք չի մնացել ներկայիս²²:



Մանուկ Բարսեղենց տուն,
Մեն Պետրոս



Մանուկ Բարսեղենց տուն,
Կոջա Սուլթան



Մանուկ Բարսեղենց տուն,
Իսրայել Օրի



Մանուկ Բարսեղենց տուն

6. ՆԱԳԻՐԵՆՑ ՏՈՒՆ

Գտնուում է Դաւրէժ Թաղում՝ նոյնանուն պողոտայի հարաւային կողմում: Ինչպէս սովորաբար հին շէնքերինն է՝ սա եւս դրան մուտքի մօտ ունի հաշտ եւ երկար միջանցք²³, որի վերջաւորութեան բացուում է բակի դուռը:


Շէնքն ունի մեծ բակ՝ այգիով եւ բաղկացած է երկու մասից՝ հարաւային եւ հիւսիսային: Գլխաւոր կառոյցը հիւսիսային կողմումն է եւ բաղկացած է մի քանի սենեակներից:

Ինչպէս սովորաբար այլ շէնքերի պարագային է՝ այս շէնքն էլ արտաքին պատի ճակատին ունի մանրադիւսով եւ զարդանախշերով զարդարանքներ: Գլխաւոր սենեակն ունեցել է աւազան եւ ռուսի կոչուող հին ձեւի պատուհաններ, որոնք այժմ չկան. փոխուել են նաեւ այլ դռներ ու պատուհաններ ու նորացուել:

Շէնքն իր հարաւային կողմում եւս ունի մի քանի սենեակներ, որոնք եւս ենթարկուել են որոշ նորոգումների:

Շէնքն այժմ պատկանում է Նազրեան ընտանիքին, որ բնակուում է նրա մէջ:

7. ՈՒԼՈՒԽԱՆՆԵՆՑ ՏՈՒՆ



Ուլուխաննեց տուն

Գտնուում է Երեւան թաղում՝ ներկայի Խաղանի պողոտայի վերջաւորութեան աջ կողմում: Ունէր Չհէյսութունի նման փայտեայ գեղեցիկ զարդաքանդակներով սիւներ, ինչպէս եւ հին ձեւի դռներ եւ պատուհաններ: Ներկայիս չկայ այս տունը. քանդուել է 1970ին: Մինչ այդ, սակայն, քանիցս այցելել էի այդտեղ 1964 թուից սկսեալ եւ վերցրել մի սենեակում եղած պատի գաչին գրուած արձանագրութիւնները, որոնք յետոյ, տան տիրոջ Արբաս Բազէրի նուիրատուութեամբ, պոկեցինք պատերից եւ փոխադրեցինք Սբ. Ամենափրկիչ Վանքի թանգարանը, եւ առինք շրջանակի մէջ: Ցուցադրուած արձանագրութիւնները կրում են 432—434 համարները: Ահաւասիկ նրանք²⁴.




Ուլուխանց տուն


«Հայոց Մեծի թուականին ԴՃԺ հնգին [1666],
 «Ի վայելումն բարեպաշտին,
 «Անւամբ Պարոն Ուլուխանին,
 «Այս յապարանս ծաղկեցին.
 «Գոյնզոյնսք զարդարեցին,
 «Զրեհ սոքա վայելեցին,
 «Եղբայր Պարոն Ուլուխանին
 «Հայպաթ անուամբ խոնարհողին,

«Նորարողրոջ որդին սորին
«Մանուկ տիօք Անդրիասին,
«Աջոյն Տեառն սոքա օրհնին,
«Յերկար կենաւք վայելեցին,
«Եւ ի պարսից թագաւորին,
«Անուամբ փոքրիկ Շահ Ապասին,
«Ազգիս հայոց օգնականին:
«Պահապան լիցի ամեն երկնային»:

8. ՉԱՆԻԽԱՆԵՆՅ ՏՈՒՆ



Չանիխանենց տուն



Ջանիխանենց տուն

Գտնուում է Մեծ Մէյտան թաղում, այժմեան Հաքիմ Նեզամի պողոտայի վրայ՝ Խաղանի քառուղու հարաւ-արեւելեան անկիւնում:

Անցեալում պատկանել է Խոջա Փանոսին, իսկ այս տան վերջին հայ տէրերն եղել են Ջանիխան Պետրոսեանները, որոնք եւս 1973ին վաճառել են կառավարութեան, որ նորոգել եւ դարձրել է Փարզիս համալսարանի կենտրոնական գրասենեակը:

Երբ կառավարական որոշումով գնուեց այդ շէնքը՝ Բոնիաթ Փահլաւի Հիմնարկի կողմից՝ որոշուել էր դրան դարձնել ազգագրական թանգարան, որի մի սրահն էլ պէտք է յատկացուէր Նոր Զուղային²⁵, բայց յետոյ երբ ծագեց յեղափոխութիւնը՝ փոխուեց այդ ծրագիրը:

Շէնքը բաղկացած է հարաւային եւ հիւսիսային գլխաւոր երկու մասերից. մի քանի սենեակներ ունի նաեւ հարաւային կողմում: Հիւսիսային շէնքի մի մասը քանդուել է Խաղանի պողոտայի յայնացման պատճառներով:

Շէնքն ունի կենտրոնական սրահ, որի մէջ անցեալում կար քարաշէն աւազան, վերելում՝ պատշգամբ, եւ նաեւ գաշազարդ դռնակներ՝ Ալի Ղափու պալատի նման, նախազարդ եւ ծաղկանկարներ. նոյներից կան մօտի կից սենեակներում եւս:

Վերջին տարիներին մեծ նորոգութիւն է կատարուել շէնքի հարաւային եւ հիւսիսային մասերում. աշխատանք է տարուել նոյնութեամբ վերակառուցել քանդուած մասերը եւ նոյնութեամբ վերանորոգել պատուհանների փայտեայ մանրացանցերը: Ըստ նախկինի՝ շէնքը ամբողջութեամբ ծեփուել է կարմիր շաղախով:

Մեծ աշխատանք է տարուել նաեւ բակի վրայ, որը սալարկուել է քարով եւ վերածուել գեղեցիկ պարտէզի:

9. ՄԻՍՈՆԵՆՑ ՏՈՒՆ

Գտնուում է Մեծ Մէյտան թաղում՝ Վանքի պողոտայի վրայ եւ Վանքի հիւսիս-արեւմտեան կողմում:

Կառուցուել է հաւանաբար Ժէ. դարում, բայց հիմնապէս նորոգուել է 1892 թուին:

Շէնքը պատկանել է Նոր Զուղայի յայտնի դէմքերից Քալանթարեանց Հայրապետին, ապա անցել է իր ժառանգին՝ Պարոն Սիմոնին, եւ այդ պատճառով էլ յայտնի է Սիմոնեանց Տուն անունով:

Միառժամանակ Սիմոնն եղել է Փերիոյ գաւառի արքայական շուրջ երեսուն հայ եւ պարսիկ գիւղերի կառավարիչը²⁶, բայց 1824 թուին սպանուել է յայտնի բռնակալ Հաճի Հաշեմխանի կողմից. թաղուել է Սբ. Բեթղեհէմ եկեղեցու գաւիթում²⁷:

1843ին տունը գնուել է Նոր Զուղայի առաջնորդ Եովհաննէս Սուրէ-

նեանի կողմից, ուր եւ նա բացել է հոգեւոր դպրոց՝ կարճ ժամանակուայ համար: Վերանորոգուել է 1892 թուին եւ կրկին կարճ ժամանակով դարձել դպրոց: Վերանորոգման առթիւ վերնաշարկի պատի վրայ մարմար քարին գրուած է մի յիշատակարան, ըստ որի «Վանքապատկան տունս այս ՍԻՄԷՕՆԵԱՆՑ կոչեցեալ վերանորոգեցաւ յաւերակաց իւրոց փութաջանութեամբ եւ իւր իսկ ճարտարապետութեամբ Տեառն Եսայիայ Եպիսկոպոսի խնայելով 22րդ առաջնորդի Ամենափրկչեան Սր. Վանաց Նոր Զուղայու յամի Տեառն 1892»:

Շէնքը բաղկացած է հիւսիսային եւ հարաւային երկու մասերից: Գրչխաւոր շէնքը հիւսիսային կողմում է, եւ ունէր նկարագարդ սենեակներ, որից ներկայիս մնացել է միայն մէկը: Հարաւային շէնքը երկշարկանի է, որի դռներն ու պատուհաններն եւս փոխուել են: 1911—1933 շէնքը ծառայել է որպէս հիւանդանոց, իսկ յետոյ դարձել ակումբ: Ներկայիս այնտեղ բնակուում են մի քանի չքաւոր ընտանիքներ: Անցեալում շէնքն ունեցել է ախոռ, որ 1950 թուին քանդուել եւ տեղում կառուցուել է մի սրահ:

10. ՍՈՒՔԻԱՍԵՆՑ ՏՈՒՆ

Գտնուում է Դաւրէժ թաղում, Սր. Մինաս եկեղեցուց դէպի հարաւարեւմուտք՝ փողոցի հարաւային կողմում:

Ինչպէս Նոր Զուղայի հին տները՝ սա եւս բաղկացած է երկու՝ հարաւային եւ հիւսիսային մասերից: Շէնքի գլխաւոր շինութիւնը գտնուում է հարաւային կողմում՝ հակառակ Նոր Զուղայի ընդհանրապէս մեծ թիւով միւս տներին: Ունի կենտրոնական սրահ, կենտրոնում մի աւազան, առջեւում մի պատշգամբ, եւ երկու կողքերին վերնաշարկերով սենեակներ:

Պատշգամբի պատերն ունեն նկարներ, որոնք ցոյց են տալիս տարուայ չորս եղանակները. կան մի շարք այլ նկարներ եւս: Պատշգամբի առաստաղը փայտածածկ է եւ զարդարուած՝ փայտաչէն նախշերով եւ զարդերով: Պատշգամբն ունի ութանկիւն ձեւով երկու սիւն, որոնց վերին մասերը քանդակազարդ են: Պատշգամբի բարձրութիւնը հասնում է երկրորդ յարկի տանիքին:

Սուքիասենց Տունն ունի Այի Ղափու պայտի նման գաշազարդ դռնակներ, վանդակորմեր եւ մանրափայտ զարդերով պատուհաններ:

Ներկայիս շէնքը պատկանում է Փարզիս համալսարանին, եւ յատկացուած է նկարչութեան եւ գեղարուեստի ճիւղերի բաժիններին²⁸:

11. ՏԷՐ ԳՐԻԳՈՐԵՆՑ ՏՈՒՆ

Գտնուում է Փոքր Մէյտան²⁹ թաղում՝ նոյն անունը կրող փողոցի մէջ: Կառուցուել է Ժէ. դարում եւ յայտնի է Տէր Գրիգորենց Տուն անունով:

Այժմ պատկանում է Աւօ Տէր Մարտիրոսեանին, որ 1960 թուին գնել է Արամ Ասլանեանից:

Շէնքը որ Նոր Զուղայի կամարաւոր հին տներից է՝ գտնւում է բակի հարաւային կողմում. որոշ սենեակներ երկյարկանի են եւ ունեն գարդանախշեր, եւ հին ձեւի փայտեայ մանրակտորներով պատուհաններ, որոնցից ոմանք փոխուել են եւ նորացել:


Սենեակներից մէկի գրեթէ բոլոր դռնակներում կան գաշագարդերով շիշատեղեր եւ գարդաձեւեր՝ ինչպէս որ ունի Ալի Ղափու պալատը: Սրանք իբր թէ նուազի ձայնի արձագանգը զօրացնելու համար են: Արտաքին պատի ճակատների վրայ կան նաեւ մանրաղիւս գարդաձեւերով կամարներ:

Անցեալում եղել է շատ մեծ, եւ բաժանուել է մի քանի մասերի:



12. ՏԷՐ ԵՍԱՅՈՆՅ ՏՈՒՆ

Գտնուել է Մեծ Մէյտան թաղում, ներկայի Շաղանի պողոտայի վրայ, բայց աւերուել է ամբողջովին Հաքիմ Նեզամիի պողոտայի բացման ժամանակ:

Գլխաւոր շէնքը գտնուել է բակի հիւսիսային կողմում եւ ունեցել է գեղազարդ կամարաւոր սենեակներ՝ մի կենտրոնական գմբէթաւոր սրա-



Տէր եսայոնց տուն



Տր. Եսայոնց տուն

հով եւ հին ձեւի փայտեայ դուռ ու պատուհաններով:

Հետաքրքիր է այստեղ յիշել, որ դրա զրկից տան դուռն մօտ գտնուող նստատեղերում կային անգլերէն արձանագրութիւն կրող երկու քարեր, որոնց մի մասը լինելով պատի մէջ՝ լրիւ չէին կարդացուած: Երբ շէնքը աւերուեց պողոտայի բացման պատճառով՝ պարզուեց որ քարերը յիշատակագրուել են մի յանձնախումբի կողմից, որ 1874 թուին Սպահան էր եկել Վենուս³⁰ մոլորակի ուսումնասիրութեան համար, ապրել էր Սպահանի Բաղր Չերեշկ կոչուած այգում, եւ քանդակել այս քարերը որպէս յիշատակ: Քարերի վրայ գրուել էր:

"DEUTSCHE VENUS EXPEDITION 1874".

Ներկայիս այս քարերը գտնուում են Նոր Զուղայի Սր. Ամենափրկիչ Վանքում եւ ցուցադրուած են թանգարանի մուտքի մօտ:

Ինչպէս ասուեց սկզբում՝ Նոր Զուղայում եղել են մեծ թուով շատ գեղեցիկ եւ պալատանման տներ, որոնց մեծ մասը աւերուել է, բայց դեռ կան ոմանք, որոնց մասին հնարաւոր չեղաւ խօսել այստեղ: Յուսայի է, որ պետական պատկան հիմնարկութիւնների շնորհիւ հնարաւոր լինի աւերումից փրկել գոնէ մնացածները:

ԾԱՆՕԹԱԳՐՈՒԹԻՒՆՆԵՐ

1. Յարութիւն Տէր Յովհաննէան, *Պատմութիւն Նոր Զուղայի*, հտ. Ա., Նոր Զուղա, 1880–1881, էջ 46: Տես նաեւ Լ. Գ. Մինասեան, *Նոր Զուղայի Թանգարանը*, Նոր Զուղա, 1968, էջ 32, Լ. Գ. Մինասեան, *Գիւան Նոր Զուղայի Սր. Ամենափրկիչ վանքի*, Նոր Զուղա, 1968, էջ 107 եւ *Հուր* ամսագիր, թիւ 3–4, Թեհրան, 1971, էջ 63:
2. Ներկայի Սր. Սարգիս եկեղեցին:
3. Յարութիւն Տէր Յովհաննէան, *Պատմութիւն Նոր Զուղայի*, հտ. Բ., Նոր Զուղա, 1880–1881, էջ 223: Այսուհետեւ՝ Տէր Յովհաննէան:
4. John Carswel, *New Julfa*, Oxford, 1968.
5. K. Karapetian, *Isfahan-New Julfa*, Roma, 1974.
6. Պարսկերէնով Սանգորշաշա կամ Քոչեր:
7. Կամ Մահլաք:
8. Կամ Հայ Ակումբ:
9. Այսինքն՝ ռուսներ:
10. Այս տան մասին տես նաեւ *Արփի* ամսագիր, Թեհրան, 1949, էջ 37–45:
11. Լղորեաւանների մասին տես՝ Տէր Յովհաննէան, հտ. Ա., էջ 199:
12. Ծանօթ նաեւ Դաքեան անունով:
13. Պատուիւան:
14. Այլիւան, Ղալիւան:
15. Ծառային:
16. Տես՝ Տէր Յովհաննէան, հտ. Ա., էջ 150–151:

17. Թանգարանի մատնանում յաջորդաբար արձանագրուած են 240 եւ 539 համարներով:
18. Եթէ տառաքուերի կողերին չի եղել այլ տառ՝ ուրեմն դա Ազարեանի քուարկութեամբ է. եւ կը լինի 200+1615=1815:
19. Կամ՝ Հայ Ակումբի:
20. Այսինքն՝ քոխարու:
21. Սոյն արձանագրութիւնը տալիս են նաեւ Ա. Երեմեանը, Յ. Զիրտեանը եւ Կ. Կարապետեանը, որի համար յաջորդաբար տես՝ **Անտիկր** Ամսագիր, Փարիզ, Սեպտեմբեր-Հոկտեմբեր, 1938, էջ 45, **Հայրենիք** Ամսագիր, Պոսթոն, Յունուար, 1940, էջ 120, եւ Karapetian, pp. 65 and 71. այս վերջինը ունի սխալներ:
22. Մանուկ Բարսեղեանց Տան մասին տես նաեւ՝ Carswel, p. 68, Karapetian, p. 341, եւ Մանիա Ղազարեան, **Հայ Կերպարունակը ԺԷ-ԺԸ Գարիում**, Երեւան, 1974, էջ 41-44:
23. Դպրան:
24. Արձանագրութիւնը որի համառոտագրութիւնները բացուել են այստեղ՝ գրուած էր սենեակի յորս կողմի պատերին վրայ:
25. Որի կառավարման յանձնախումբի անդամ նշանակուած էի եւ էլ:
26. Պարսկերէն՝ զաքթ:
27. Այս մասին տես Թադէոս Աւետումեան, **Արամայիս**, Կալկարա, 1846, էջ 103-104, եւ Տէր Յովհաննեան, հտ. Ա., էջ 414-425 եւ հտ. Բ., էջ 79:
28. Այս մասին տես Carswel, pp. 65-67 եւ 70-77:
29. Կամ Շիրախանի փողոց:
30. Այտեսեալ:

L. 9. U.

A SHORT SURVEY ON THE ANCIENT
MANSIONS OF NEW JULFA

(Summary)

L.G. MINASSIAN

Though John Carswel and Karapet Karapetian have presented some of the ancient mansions of New Julfa in their respective works on the architecture, painting, art and decoration, and history there of, the author of the article given here tries to present twelve of them, namely the princely mansions of Davitentz, Hovelentz, Khoja Voskanentz, Khoja Petrosentz, Manouk Barseghentz, Naderentz, Ouloukhanentz, Djanikhanentz, Simonentz, Soukiasentz, Ter Grigorentz and Ter Yesayontz. Yet he does not intend to give a meticulous study and presentation of each mansion discussed here; just the opposite, relying on his personal observations and his own notes taken at his different visits to each of these mansions, Minasian presents a general report on each of them, which once belonged to an Armenian aristocratic family or a princely house, khoja, or great merchant. In time, we are informed, these mansions changed hands till some of them went victim to road constructions, others were bought by the Iranian state to make part and parcel of Phardis University, while others were taken over by the Institute of Antiquities of Isfahan; on the other hand, one of these mansions was bought by the St. All-Saviour Convent and was changed to a cerninary, another is now the Armenian Club of Isfahan, while two are inhabited by their present owners and some poor people.

The article does not purport to give an artistic, esthetic and architectural evaluation and analysis of all the twelve mansions presented here, though at times, the author does not abstain of giving a vivid description of wall paintings wood-carvings and sundry decorations, door and window panels, architectural forms and style, and constructional effects; moreover, he presents the various mural inscriptions, dates and information found in different mansions. It is clear that Minasian definitely makes certain additions on what the scanty sources have and tries to save them from doubtless oblivion, because, in fact, some of these mansions exist no more. As the author states, "there have been a great number of these very beautiful and palatial mansions at New Julfa the majority of which have been destroyed. Yet there exist some, of which we could not talk. Let us hope that through the care of respective state institutions it will be possible to save the rest from destruction."